



SIUMUT INATSISARTUNI ILAASORTAATITAT

26. april 2012

Inatsisartut suleriaasianni § 37 immikkoortoq 1 naapertorlugu Naalakkersuisunut imaattumik apeqquteqarpunga.

Sanaqateqarluni illuliat nunaqarfinni sananeqarsinnaasut suna pissutigalugu ukioq 2012 tapiissutinik akuersisoqassanngitsoq ersarissumik A/S INI-ip quppersagaani ersarissumik takuneqarsinnaavoq.

Taavalu ilanngullugu paaserusuppara sanaartugassanut aningaasaliissutit nunaqarfinni isorliunerusunilu atugassaagaluit qassit aningaasaliiffissanut allanut nuunneqarpat konto-it aningaasartaalu ilanngullugit, aammalu aningaasanik nuussiffigineqartut suunersut konto ilanngullugit paaserusuppakka tassanilu pivakka 2011-imi allanngutaat. Aammalu 2012-mi pilersaaruteqarpaa aamma taamatut nunaqarfinni isorliunerusuni aningaasaliissutissat suut piarniarneqarpat imaluunniit piaasoqarniarjaa?

Kiisalu ukiut kingulliit qulit iluanni illuliassat qassit nunaqarfinni sananeqarsimappat?
(Hans Enoksen, Siumut)

Tunngavilersuut:

Matumuuna ersarissumik akineqarnissara piumasaralugu sanaqateqarluni illuliortarneq nunaqarfinni sooq aningaasanik attartorfiussanngitsoq tassalu tapiissuteqartoqassanngitsoq 2012-imi.

Amerlasuujulluta ilisimavarput nunaqarfinni illoqarfinnilu isorliunerusuni ilaqutariit illorpassui pitsaangilluinnartut allaat ilaat illersorneqarsinnaanngitsut angerlarsimaffigineqarlutik najugaqarfigineqarput allanik najugassaqaannginnamik.

Taamaakkaluortoq illut ajorluinnaraluartut aningaasallu atugassagaluit piaarneqarnerat sunik tunngaveqarnersut ilanngullugit paaserusuppakka.

Aammalu ukiut kingullit 10-it iluanni nammineerlutik illuliassat qassit nunaqarfinni isorliunerusunilu sananeqarsimasut qassiuppat?

Inuulluaqqusillunga

Hans Enoksen, Siumut